

Muzej farmacije član AIS-a



AIS - Aromas Itinerarium Salutis je neprofitna organizacija, osnovana 2021. godine u Valenciji (Španija) s ciljem očuvanja i promocije materijalne i nematerijalne europske baštine vezane za historiju farmacije kroz realizaciju i upravljanje Europskom rutom historijskih apoteka i ljekovitih vrtova.



Muzej farmacije je član AIS mreže od 3.7.2023. godine i aktivno učestvuje u radu Naučnog savjeta.

www.aromassalutis.eu

Prepoznavanje rute od strane Vijeća Europe, Bosnu i Hercegovinu će staviti u fokus i mapu interesovanja stručne i šire publike, te značajno obogatiti turističku ponudu Sarajeva i Bosne i Hercegovine.

Cultural route
of the Council of Europe
Itinéraire culturel
du Conseil de l'Europe



Posjetom Muzeju farmacije možete dobiti recept za kratku farmaceutsku rutu i prošetati kroz prošlost i epohe vezane za farmaciju i historiju Sarajeva

PARTNER
MUZEJA FARMACIJE



RADNO VRIJEME

Posjete

Četvrtak –Petak 11:00 –17:00

Subota: 10:00 –18:00

Ostalo

Po dogovoru i ranije utvrđenim terminima.

Adresa:

Štrosmajerova 3/I

Kontakt:

info@muzejfarmacije.ba

+387 60 309 51 21



SARAJEVO
BOSNA I HERCEGOVINA

web



instagram



facebook




Farmacija na prostoru Bosne i Hercegovine baštini vjekovnu historiju

Razvoj farmacije u BiH obično se dijeli na pet razdoblja koja oslikavaju specifičnosti kulturnog, pa samim tim i razvoja zdravstva Bosne i Hercegovine, a to su:

1. Razdoblje samostalne - srednjovjekovne bosanske države,
2. Razdoblje turske vladavine – Osmanski period,
3. Razdoblje austro-ugarske vladavine,
4. Razdoblje stare i socijalističke Jugoslavije i
5. Razdoblje moderne Bosne i Hercegovine

Nedovoljno istražena i prezentirana historija farmacije i nedostatak kulture sjećanja, bili su povod za osnivanje Muzeja farmacije juna 2022. godine.

Muzej farmacije oslikava ključne momente u historiji farmacije u BiH kroz **prezentaciju dostupnih artefakata i replika**



Ideja o osnivanju muzeja zdravstva, a samim tim i farmacije, postojala još od 1919. godine kada je Ministarstvo narodnog zdravlja Kraljevine SHS uputilo zahtjev Zdravstvenom odsjeku za BiH za prikupljanje građe s ciljem osnivanja zdravstvenog muzeja; 1970 – tih kada mr ph Samuel Elazar izrađuje „Elaborat o muzeju zdravstva u BiH“, kao i zaključci konferencija održanih 90-tih godina, no ideje i namjere nisu nikad doživjele svoju realizaciju.

Muzej farmacije otvoren je 17.10.2023. godine na dan kada je donesena uredba kojom je ženama u BiH dato pravo da budu vlasnice apoteka pod istim uslovima kao i muškarci.

Koncept i sadržaj Muzeja farmacije

Muzej farmacije nudi stalnu izložbu koja govori o razvoju farmacije u svijetu i Bosni i Hercegovini prateći periode i historijske prekretnice koje su uticale na farmaciju. Osim stalne izložbe, Muzej farmacije organizuje i tematske izložbe samostalno i u saradnji sa partnerima.



U Muzeju farmacije možete kroz interaktivni farma-zid otkriti zanimljivost razvoja farmacije od prahistorije do modernog doba, saznati kako su se liječili stari Egipćani, kako se priprema lijek terijak, zaviriti u atarski dućan i srednjovjekovne ljekaruše, vidjeti zbirku farmakopeja koje su korištene u BiH, upoznati se sa radom bosanskohercegovačkog nobelovca Vladimira Preloga, otkriti umjetnost i zaboravljene utenzilije za pripremu lijekova, zaviriti u početke industrijske farmacije u BiH, te ući u jednu od nastarijih modernih apoteka predstavljenu kroz autentični namještaj iz 1897. godine.

Osim muzejske zbirke, u Muzeju farmacije organizuju se različite radionice koje populariziraju nauku, te naučiti pripremati ljekovite pripravke, kozmetiku i parfeme.

Muzej farmacije je mjesto edukacije o različitim zdravstvenim i naučno popularnim temama za sve uzraste.



Multimedijska sala – oficina predstavlja jedinstven prostor i ambijent za organizaciju različitih vrsta događaja poput promocija, prezentacija, stručnih sastanaka, radionica.

Moguće postavke sale su:




Teatar
Broj sjedišta: 20-24



Konferencija
Broj sjedišta 9-10



U-postavka
Broj sjedišta: 10



Učionica
Broj sjedišta: 8

U prostoru Muzeja dostupan je Wi-Fi, LED TV i projektor, te organizacija cateringa u saradnji sa našim partnerima. Više informacija o načinu organizacije i korištenja sale možete dobiti putem mail adrese: muzejfarmacije@gmail.com